



Broj: 02-05-22658-9/14
Sarajevo, 13.08.2014. godine

Na osnovu člana 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst i 38/13), Vlada Kantona Sarajevo, na **75.** sjednici održanoj **13.08.2014.** godine, donijela je sljedeći

ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec juni 2014. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

VRŠILAC FUNKCIJE
PREMIJERA

Muhamed Kozadra, dipl.ecc.

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



**Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
SARAJEVO**

**I N F O R M A C I J A
O STANJU KRIMINALITETA, JAVNOG REDA I MIRA I SIGURNOSTI
SAOBRAĆAJA NA PODRUČJU KANTONA SARAJEVO
ZA MJESEC JUNI 2014. GODINE**

Sarajevo, juli 2014. godine

1.KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu Junu 2014. godine, na području Kantona Sarajevo registrovano je 441 krivično djelo¹ što je za 56 ili 11,3% manje u odnosu na isti mjesec prethodne godine.

Od ukupnog broja registrovanih krivičnih djela, 148 ili 33,6% izvršeno je od strane poznatih, a 293 ili 66,4% od strane nepoznatih izvršilaca.

Za 143 djela ili 48,8% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega su 83 krivična djela iz izvještajnog, a 60 iz ranijeg perioda.

Iz naprijed navedenog proizilazi da su službenici Uprave policije MUP-a KS u mjesecu Junu 2014. godine za ukupno 291 krivično djelo ili 66%, identifikovali osumnjičene izvršioce, što je za 5,2% više u odnosu na isti mjesec prethodne godine.

Osnovni statistički pokazatelji kriminaliteta u mjesecu Junu 2014. godine

mjesec	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
Juni 2014.	441	148	293	143	60	222	15	141	93
Jun 2013.	497	133	364	169	84	236	14	160	87
uporedba	-56	15	-71	-26	-24	-14	1	-19	6

¹U ovom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 341 obavijest (90 manje) o događajima u kojima je pričinjena neznatna materijalna šteta.


Zbog postojanja osnova sumnje da su počinili krivična djela prijavljena su 222 lica (14 manje), od čega je 141 povratnik (19 manje) u izvršenju krivičnih djela (ili 63,5%), 15 maloljetnika (jedan više), a 93 lica su lišena slobode (šest više).

Pregled kriminaliteta na području Kantona Sarajevo u mjesecu Junu 2014/13. godine posmatrano po glavama KZ FBiH-a (Sl. novine FBiH-a br. 36/03)

KRIVIČNA DJELA	Juni 2014.	Juni 2013.	uporedba		rasvj. Juni 2014.g	
			+/-	%	broj kd	%
Protiv života i tijela	20	16	4	25%	16	80%
Protiv slobode i prava čovjeka i građanina	11	11	0	isto	11	100%
Protiv spolne slobode i morala	1	3	-2	-66,7%	1	100%
Protiv braka, porodice i mladeži	24	17	7	41,2%	24	100%
Protiv zdravlja ljudi	21	20	1	5%	21	100%
Protiv privrede poslovanja i sigurnosti platn.	1	0	1	---	1	100%
Protiv imovine	309	383	-74	-19,3%	165	53,4%
Protiv opće sigurnosti ljudi i imovine	9	8	1	12,5%	8	88,9%
Protiv sigurnosti javnog prometa	3	8	-5	-62,5%	3	100%
Protiv pravosuđa	3	1	2	200%	3	100%
Protiv javnog reda i pravnog prometa	30	25	5	20%	29	96,7%
Protiv podmićivanja i kd protiv službene i druge odgovorne funkcije	1	1	0	isto	1	100%
ZONDINOM-a - Zakon o nabavljanju, držanju i nošenju oružja i municije (Sl.novineKS br.38/07)	8	4	4	100%	8	100%
UKUPNO	441	497	-56	-11,3%	291	66%

U mjesecu Junu 2014. godine u odnosu na isti mjesec prethodne, zabilježeno je značajno smanjenje broja registrovanih krivičnih djela za 56 djela ili 11,3%. Smanjenje je registrovano u oblastima protiv imovine (za 74 djela), sigurnosti javnog prometa (za pet) i spolne slobode i morala (za dva djela), dok je povećanje evidentirano u oblasti protiv braka, porodice i mladeži (za sedam djela), javnog reda i pravnog prometa (za pet), života i tijela (za četiri djela), itd.

Grafički prikaz broja registrovanih i rasvijetljenih krivičnih djela po policijskim upravama MUP-a KS



Pregled registrovanih krivičnih djela na području Kantona Sarajevo u mjesecu
 Junu 2014. godine

ČLAN	KZ	Naziv člana	UKUPNO	KD ²	NN	NI
				441	293	143
166	FBiH	UBISTVO		1	0	0
166/28	FBiH	UBISTVO U POKUŠAJU		3	1	0
172	FBiH	TEŠKA TJELESNA OZLJEDA		12	3	0
173	FBiH	LAHKA TJELESNA OZLJEDA		3	1	1
174	FBiH	UČESTVOVANJE U TUČI		1	0	0
183	FBiH	UGROŽAVANJE SIGURNOSTI		11	3	3
208	FBiH	BLUDNE RADNJE		1	0	0
222	FBiH	NASILJE U PORODICI		24	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA		7	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA		14	0	0
268	FBiH	OBMANA PRI DOBIJANJU KREDITA I DRUGIH POGODNOSTI		1	0	0
286	FBiH	KRAĐA		40	36	26
286/32	FBiH	KRAĐA U PODSTREKAVANJU		1	1	1
287	FBiH	TEŠKA KRAĐA st 1.tačka a)		173	168	74
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN		15	15	5
287/28	FBiH	TEŠKA KRAĐA U POKUŠAJU		3	3	2
289	FBiH	RAZBOJNIŠTVO		39	39	16
289/28	FBiH	RAZBOJNIŠTVO U POKUŠAJU		3	2	1
290	FBiH	UTAJA		3	2	2
293	FBiH	OŠTEĆENJE TUĐE STVARI		14	7	4
294	FBiH	PRIJEVARA		17	2	0
300	FBiH	PRIKRIVANJE		1	1	1
323	FBiH	IZAZIVANJE OPĆE OPASNOSTI		7	3	2
326	FBiH	NEPROPISNOST I NEPRAVILNO IZVOĐENJE GRAĐEVINSKIH RADOVA		1	0	0
327	FBiH	NESAVJESNO ČUVANJE PASA I DRUGIH OPASNIH ŽIVOTINJA		1	1	1
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA		2	0	0
337	FBiH	NEUKAZIVANJE POMOĆI OSOBI OZLIJEDENOJ U PROMETNOJ NEZGODI		1	0	0
346	FBiH	POMOĆ UČINITELJU POSLIJE UČINJENOG KRIVIČNOG DJELA		2	1	1
347	FBiH	LAŽNO PRIJAVLJIVANJE		1	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI		3	0	0
362	FBiH	NASILNIČKO PONAŠANJE		15	4	3
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJAMA		4	0	0
373	FBiH	KRIVOTVORENJE ISPRAVE		6	0	0
375	FBiH	OVJERAVANJE NEISTINITOG SADRŽAJA		1	0	0
379	FBiH	POVREDA MIRA POKOJNIKA		1	0	0
384	FBiH	PRONEVJERA U SLUŽBI		1	0	0
ZON.	ZON.	ZONDINOM (Sl. nov. Kantona Sarajevo br.38/07)		8	0	0

1.2. PREGLED KRIVIČNIH DJELA PO OBLASTIMA

² KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršioци

1.2.1. KRIVIČNA DJELA PROTIV ŽIVOTA I TIJELA

Tokom mjeseca Juna 2014. godine u ovoj oblasti evidentirano je 20 krivičnih djela (četiri više u odnosu na Juni 2013. godine), i to: ubistvo – jedno djelo (u uporednom nije bilo ubistava), ubistvo u pokušaju – tri djela (dva više), teška tjelesna ozljeda – 12 (jedno više), lahka tjelesna ozljeda – tri (isti broj) i učestvovanje u tuči – jedno djelo (isti broj djela).

Zbog postojanja osnova sumnje da su počinili navedena djela, nadležnom tužilaštvu podneseni su službeni izvještaji protiv 21 lica, a šest je lišeno slobode.

UBISTVO

- Dana, 02.06.2014. godine, oko 12,50 u naselju Vukovići, općina Hadžići, Š.Sulejman (1954) je nakon kraće verbalne prepirke upotrebom noža lišio života Dulić Armena (1977). Zbog postojanja osnova sumnje da je počinio krivično djelo **iz člana 166. KZ FBiH-a (UBISTVO)** isti je lišen slobode i uz službeni izvještaj predat nadležnom tužilaštvu.

UBISTVO U POKUŠAJU (TRI DJELA):

- Dana, 09.06.2014. godine, oko 01,50 u ulici u stanu u ulici Derviša Numića, opina Novo Sarajevo, Z. Amar (1984) je nakon kraće verbalne prepirke hicima iz vatrenog oružja – pištolja nanio teške tjelesne ozljede opasne po život Muminović Leu (1979).
- Dana, 28.06.2014. godine, oko 24,00 u Zavodu „Hum“ u ulici Humska, opina Novo Sarajevo, štićenik mldb A.E. (1996) je upotrebom noža nanio teške tjelesne ozljede opasne po život zaštitaru Nukica Kemalu (1985).
- Dana, 05.06.2014. godine, oko 23,15 ispred ugostiteljskog objekta za sada nepoznata lica su fizički napala i upotrebom noža nanijeli teške tjelesne ozljede opasne po život Tahirović Elviru (1973).

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 11 krivičnih djela (isti broj) - ugrožavanje sigurnosti, za čije izvršenje je prijavljeno je 11 lica, a tri su lišena slobode.

Krivična djela ugrožavanja sigurnosti evidentirana su na području općina: Novo Sarajevo – četiri, Novi Grad – tri, Ilidža dva, Vogošća i Hadžići – po jedno djelo, a počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

1.2.3. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirano je jedno djelo (dva manje) bludnih radnji za čije izvršenje je prijavljeno jedno lice, koje je uz službeni izvještaj predato nadležnom tužilaštvu.

Zbog postojanja osnova sumnje da je dana 25.5.2014. godine u porodičnoj kući u ulici Briješće, općina Novi Grad počinio krivično bludnih radnji nad R.A. nadležnom tužilaštvu podnesen je službeni izvještaj protiv R.Fehima (1961).

1.2.4. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirana su 24 djela (sedam više) - nasilje u porodici, za čije izvršenje je prijavljeno 25 lica, a 10 je lišeno slobode.

Krivična djela nasilje u porodici evidentirana su na području općina: Novi Grad – osam, Ilidža – pet, Ilijaš – četiri, Centar – tri, Novo Sarajevo – dva, Stari Grad i Vogošća – po jedno djelo.

1.2.5. KRIVIČNA DJELA PROTIV ZDRAVLJA LJUDI

Prijavljeno je 21 krivično djelo iz oblasti protiv zdravlja ljudi (jedno više) i to:
- neovlašćena proizvodnja i stavljanje u promet opojnih droga (čl. 238. KZ FBiH) – sedam,
- posjedovanje i omogućavanje uživanja opojnih droga (čl. 239. KZ FBiH) – 14 djela.
Zbog postojanja osnova sumnje da su počinili navedena djela podneseni su službeni izvještaji protiv 23 lica , a 10 je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv devet lica zbog postojanja osnova sumnje da su u proteklom periodu neovlašteno proizvodili, zatim kupovali opojnu drogu ("Marihuanu" i „Amfetamin“) od za sada nepoznatih lica, na raznim lokalitetima, istu prepakivali, a potom vršili prodaju raznim konzumentima na području Kantona, čime bi počinili krivično djelo **iz člana 238. KZ FBiH-a (Neovlašćena proizvodnja i stavljanje u promet opojnih droga)**, te protiv 14 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Amfetamin", itd.) čime bi počinili krivično djelo **iz člana 239. KZ FBiH-a (Posjedovanje i omogućavanje uživanja opojnih droga)**.

(Tabela 5.) Pregled oduzete količine opojnih droga u mjesecu Junu 2013/12. godine

VRSTA OPOJNE DROGE	Jun 2014.GOD.	Jun 2013 GOD.
Marihuana (paketići)	8	29
Marihuana (JOINT - cigarete)	1	3
Marihuana (u gramima)	1.832,00	200
Heroin (paketići)	---	2
Heroin (u gramima)	30	----
Amfetamin (paketići)	17	1
Amfetamin (u gramima)	30	---
NN tablete (kom.)	49	---
pribor sa ostacima droge (komada)	8	3

Podneseno je osam zahtjeva za vještačenje nepoznate materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pregled devet lica, pet stambenih objekata i automobila po usmenim naredbama Opštinskog suda u Sarajevu.

1.2.6. KRIVIČNA DJELA PROTIV IMOVINE

U ovom mjesecu, registrovano je 309 krivičnih djela protiv imovine, što je za 74 djela ili 19,3% manje u odnosu na mjesec Juni prošle godine. Među djelima iz ove oblasti najbrojnija su: teška krađa – 188 djela (37 manje), krađa – 40 (38 manje), razbojništvo – 39 (devet više), prijevarena – 17 (deset više), oštećenje tuđe stvari – 14 (dva manje), teška krađa u pokušaju – tri (pet manje), utaja – tri (četiri manje), itd.

Za ukupno 165 ovih djela ili 53,4% identifikovan je osumnjičeni izvršilac (za 2,7% više u odnosu na uporedni mjesec).

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 90 puta (dva više), stambeni objekti – 51 (21 manje), poslovni objekti – 39 (12 manje), itd.

Takođe, u mjesecu Junu ove godine izvršeno je 71 krivično djelo teških krađa motornih vozila od čega je 12 ili 16,9% pronađeno i vraćeno vlasnicima (od strane policije MUP-a KS vraćena su dva vozila, drugih MUP-ova – tri i od strane vlasnika pronađeno je sedam vozila).

Broj teških krađa motornih vozila, povećan je za osam ili 12,7%.

Pregled broja otuđenih i vraćenih putničkih motornih vozila na području Kantona Sarajevo po policijskim upravama u mjesecu Junu 2014. godine

POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih pmv	18	21	20	12	0	71
broj vraćenih pmv	1	4	3	4	0	12
% vraćenih pmv	5,6%	19%	15%	33,3%	---	16,9%

Policijski službenici su tokom mjeseca juna, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv dva lica (jedno više).

Pregled broja otuđenih motornih vozila na području Kantona Sarajevo po policijskim upravama u mjesecu Junu 2014/13. godine


POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih vozila–Juni 2014.g	18	21	20	12	0	71
broj otuđenih vozila–Juni 2013. g.	10	10	23	16	4	63
uporedba Juni 2014/13. godine	+, -	8	11	-3	-4	8
	%	80%	110%	-13%	-25%	12,7%

Prijavljeno je 40 krivičnih djela krađe (38 manje), koje su izvršene 16 puta u poslovne prostorije (10 manje), 10 u stambene objekte (18 manje), šest puta na ulici (12 manje), pet u vozilima i na stajalištima GRAS-a (isti broj), itd., odakle su otuđivani novčanici, prehrambeni proizvodi, tehnička roba, bicikli, željezni profili, itd.

Registровано je 39 krivičnih djela razbojništva³ (devet više), od čega je za ukupno 16 djela identifikovan osumnjičeni izvršilac ili 41% što je za 12,3% manja „rasvjetljenost“.

Ova djela evidentirana su na području slijedećih općina: Novo Sarajevo – 12 (tri više), Centar – devet (jedno manje), Novi Grad – sedam (tri više), Ilidža – šest (tri više), itd.

Grafički prikaz broja registrovanih krivičnih djela iz člana 289. KZFBiH (razbojništvo) po policijskim upravama MUP-a KS



Razbojništva su izvršena prijetnjom upotrebe vatrenog oružja - 16 puta, prijetnjom upotrebe noža ili drugog oštrog predmeta - 14 i upotrebom fizičke snage – devet puta, a počinjena su u prodavnicama – 18 puta, na ulici - devet, u sportskoj kladionici - sedam, stambenoj zgradi – dva, itd. Otuđivan je novac, mobiteli, nakit, cigarete i jedan motocikl.


Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 11 lica (od čega je 10 povratnika ili 90,1%), a četiri su lišena slobode.

Evidentirano je 15 krivičnih djela teških krađa na naročito opasan ili naročito drzak način (osam manje), u kojima su izvršioc, upotrebom fizičke snage – 14 puta, te verbalnom prijetnjom u jednom slučaju, otimali nakit, novac i mobitele. Ova djela izvršena su na otvorenom prostoru – (ulica, park, GRAS-ova stajališta i sl.) – 13 puta, u tramvaju i sportskoj kladionici – po jednom.

³ Dana 21.06..2014. godine, oko 12,30 sati u stanu u ulici Jukićeva, općina Centar, V. Edin (1979) je u cilju sticanja protivpravne imovinske koristi, fizički nasrnuo i upotrebom sile – davljenjem usmratio Dandić Muneveru (1936) i otuđio zlatni nakit. Zbog postojanja osnova sumnje da je počinio krivično djelo iz člana 289. stav (3) – (**Razbojništvo „sa smrtnom posljedicom“**) isti je lišen slobode i uz službeni izvještaj predat nadležnom tužilaštvu.

Za ukupno pet „drskih krađa“ identifikovani su osumnjičeni izvršioc, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv tri lica.

**Grafički prikaz broja registrovanih krivičnih djela iz člana 287.st (1) tačka b)
KZFBiH (teška krađa na naročito opasan ili naročito drzak način)
po policijskim upravama MUP-a KS**



1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je devet djela (jedno više) i to: izazivanje opće opasnosti – sedam, nepropisno i nepravilno izvođenje građevinskih radova i nesavjesno čuvanje pasa i drugih opasnih životinja – po jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv devet lica, a šest je lišeno slobode.


Krivična djela izazivanja opće opasnosti izvršena su šest puta na otvorenom prostoru i jednom u stambenom objektu. U jednom slučaju aktivirana je nepoznata eksplozivna naprava, dva puta je otvorenim plamenom izazvan požar i u četiri slučaja pucano je iz vatrenog oružja. Posljedica izvršenja navedenih djela je ranjavanje dva lica i nastala materijalna šteta.

1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 30 krivičnih djela (pet više) i to: nasilničko ponašanje – 15, krivotvorenje isprave – šest, nedozvoljeno držanje oružja ili eksplozivnih materija – četiri, napad na službenu osobu u vršenju poslova sigurnosti – tri, ovjeravanje neistinitog sadržaja i povreda mira pokojnika po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 40 lica, a 19 je lišeno slobode.

Grafički prikaz broja registrovanih krivičnih djela iz člana 362 KZFBiH (nasilničko ponašanje) po policijskim upravama MUP-a KS



1.3. KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca Juna 2014. godine prijavljeno je 15 maloljetnih lica zbog postojanja osnova sumnje da su učestvovali u izvršenju 23 krivična djela. U odnosu na isti mjesec prethodne godine, broj prijavljenih maloljetnih lica neznatno je povećan (za jedan ili 7,1%), dok je broj krivičnih djela koja su izvršili maloljetnici povećan za 10 ili 76,9%.

Od ukupnog broja maloljetnih izvršilaca krivičnih djela, osam je povratnika u izvršenju ovih djela (ili 53,3%), a prema starosnoj strukturi, dva maloljetnika su u dobi do 14 godina, pet je u dobi između 14 i 16 godina, a osam je u dobi između 16 i 18 godina.

Pregled registrovanih krivičnih djela izvršenih od strane maloljetnika po policijskim upravama u Junu 2014/13. godine

	MKS	I PU	II PU	III PU	IV PU	V PU	UKUPNO
Juni 2014.	1	6	6	4	4	2	23
Juni 2013.	0	1	6	4	2	0	13
uporedba	+1	+5	0	0	+2	+2	+10 ili 76,9

Jedan maloljetnik je prijavljen za izvršenje krivičnog djela ubistvo u pokušaju, a ostali su uglavnom prijavljivani zbog učestvovanja u izvršenju krivičnih djela iz oblasti protiv imovine (13 ili 56,5% od ukupnog broja).

Struktura krivičnih djela izvršenih od strane maloljetnih lica u Junu 2014./13. godine

Naziv krivičnog djela	juni 2014.	juni 2013.	+ - %
ubistvo u pokušaju	1	0	
lahka tjelesna povreda	1	0	
ugrožavanje sigurnosti	1	0	
nasilje u porodici	3	0	
posjed. i omogućav. uživanja op. droga	1	1	0,0
teška krađa	6	1	+500,0
teška krađa na naročito drzak i opasan način	2	2	0,0
krađa	3	1	+200,0
razbojništvo	1	2	-50,0
razbojništvo-pokušaj	1	2	-50,0
oštećenje tuđe stvari	1	1	0,0
pomoć učinitelju poslije učinjenog krivič. djela	0	1	-100,0
nasilničko ponašanje	0	2	-100,0
nedozvoljeno držanje oružja i eksploziv.	1	0	
posjedovanje oružja bez odobrenja (52 zondi)	1	0	
UKUPNO	23	13	+76,9

1.4. OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca Juna 2014. godine na području Kantona Sarajevo registrovana su dva slučaja aktiviranja minsko-eksplozivnih sredstava (u istom mjesecu prošle godine jedan). Tom prilikom smrtno je stradalo jedno lice (samoubistvo), dok je u drugom slučaju nastupila materijalna šteta.

Slučajevi aktiviranja minsko-eksplozivnih sredstava u toku mjeseca Juna 2014. godine

r.b	Općina	Ulica i mjesto	Datum i vrijeme	Posljedice	Izvršilac
1.	Novi Grad	Zaima Imamovića 42 dvorište kuće	12.6.2014., oko 11,50	smrt-samoubistvo	D. Dž.-1962.
2.	Ilidža	Stupska 20, ispred kuće	18.6.2014., oko 21,30	materijalna šteta na kući	H. F.-1964.

U proteklom mjesecu nije bilo evidentiranih dojava o postavljenoj eksplozivnoj napravi (u uporednom mjesecu jedna).

1.4.2. POŽARI

Tokom mjeseca Juna 2014. godine, na području Kantona Sarajevo registrovano je šest požara (tri manje), koji su za posljedicu imali materijalnu štetu.

Požari su registrovani na području općina: Centar – dva, Novi Grad – dva, Stari Grad i Novo Sarajevo – po jedan požar.

Prema statističkim pokazateljima, tri požara su izazvano namjerno, dva zbog tehničkih nedostataka, dok uzrok jednog požara spada u kategoriju ostalih.

Zbog izazivanja požara nadležnom tužilaštvu su podnesena dva službena izvještaja iz člana 323 KZ FBiH (izazivanje opće opasnosti).

1.4.3. OSTALE AKTIVNOSTI

U mjesecu Junu ove godine, pripadnici policije su u sklopu operativnih aktivnosti izvršili pretres 67 lica, sedam stanova, izvršili utvrđivanje identiteta za 18 lica i lišili slobode 11 lica za kojima je bila raspisana potjernica. Takođe, pruženo je 67 asistencija i to na zahtjev državnih organa 52, a po zahtjevu organa i organizacija javnih ovlašćenja – 15 asistencija.

U cilju dokumentovanja krivičnih djela i identifikacije izvršilaca, izvršena su 262 uviđaja, pronađeno i obrađeno 638 tragova, u 213 slučajeva fotografisano je lice mjesta, 24 puta je skicirano, izvršeno 189 vještačenja i daktiloskopirano 16 lica.

U okviru potražne djelatnosti raspisano je 18 potjernica od strane sudova Kantona Sarajevo, a 16 je obustavljeno. Takođe, zaprimljeno je 16 prijava o nestalim licima, a 14 je obustavljeno iz izvještajnog i ranijeg perioda.

U okviru depešnog saobraćaja predato je 2.426 depeša, primljena 4.881, zatim tranzitirano 677, dok su za područje RS-a i Granične policije faksom predate 43 depeše, što ukupno iznosi 8.063 obrađenih i razmjenjenih depeša.

Za potrebe tužilaštva i drugih nadležnih organa izvršena je 4.191 provjera iz evidencija, na zahtjev građana izdato 510 uvjerenja o njihovoj osuđivanosti ili neosuđivanosti, otvoreno 79 novih dosja i evidentirano 389 lica oštećenih činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

1.4.4. SAMOUBISTVA

U mjesecu Junu 2014. godine na području Kantona Sarajevo registrovana su tri samoubistva (dva manje) i to na području općina Stari Grad, Novi Grad i Vogošća – po jedno. Suicidi su izvršeni vješanjem, skokom sa visine i aktiviranjem ručne bombe, a izvršiooci su tri muškarca i to u dobi preko 40 godina.

2. JAVNI RED I MIR

Policijski službenici MUP-a Kantona Sarajevo su u toku mjeseca juna 2014. godine zbog raznih oblika narušavanja javnog reda i mira preduzeli **628 prekršajnih sankcija** (prekršajnih naloga - 449, zahtjeva za pokretanje prekršajnog postupka-179), **protiv 679 lica**. U odnosu na mjesec juni 2013. godine, **broj prekršajnih sankcija povećan je za 75 ili 13,6%**, a broj **učinilaca prekršaja povećan je za 87 ili 14,7%**.

Na prekršaje utvrđene Zakonom o prekršajima protiv javnog reda i mira odnosi se 580 ili 92,4% prekršajnih sankcija, a na prekršaje koji su utvrđeni Odlukom općinskih vijeća 48 ili 7,6%.

Prema starosnoj strukturi lica protiv kojih su preduzete prekršajne sankcije, od njih 679 najbrojniji su oni starosne dobi preko 36 godina (386), zatim između 26 i 35 godina (184) i između 19 i 25 godina (105), dok je maloljetnih izvršilaca bilo četiri. Među izvršiocima prekršaja 78 je onih koji su i ranije činili prekršaje (povratnici).

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, teže je povrijeđeno jedno lice (u istom mjesecu 2013. godine nijedno), dok je lakše povrijeđeno 35 lica (12 ili 52,2% više).

Tabelarni pregled broja uručenih prekršajnih naloga i podnesenih zahtjeva za pokretanje prekršajnog postupka za mjesec juni 2014. godine po policijskim stanicama/odjeljenjima/jedinica

Policijska stanica-odjeljenje-jedinica	Broj prekršajnih naloga	Broj zahtjeva za pokretanje pp	Ukupan broj naloga i zahtjeva
Stari Grad	172	17	189
Centar	138	66	204
Novo Sarajevo	94	10	104
Novi Grad	17	41	58
Ilidža	8	18	26
Hadžići	4	12	16
Vogošća	10	15	25
Ilijaš	4	0	4
Trnovo	0	0	0
Jedinica za saobraćaj	2	0	2
UKUPNO	449	179	628

Posmatrano po policijskim upravama, najveći broj prekršajnih sankcija preduzeli su policijski službenici Prve policijske uprave (393 ili 62,6% od ukupnog broja), s tim da su službenici Policijske stanice Stari Grad preduzeli 189, a PS Centar 204 sankcije. Zatim slijede Druga policijska uprava -104, Treća policijska uprava-58, Četvrta policijska uprava- 42 (PS Ilidža 26 i PS Hadžići 16), te Peta policijska uprava-29 prekršajnih sankcija (PS Vogošća 25 i PS Ilijaš četiri). Službenici Jedinice za saobraćaj MUP-a KS preduzeli su dvije prekršajne sankcije.

Tabelarni pregled broja prekršajnih sankcija za mjesec juni 2014/2013. godine- po policijskim upravama

period	POLICIJSKA UPRAVA						
	I PU	II PU	III PU	IV PU	V PU	JZS*	UKUPNO
juni 2014.	393	104	58	42	29	2	628
juni 2013.	307	91	75	52	24	4	553
	+86 ili 28,0%	+13 ili 14,3%	-17 ili -22,7%	-10 ili -19,2%	+5 ili 20,8%	-2 ili -50,0%	+75 ili 13,6%

*Jedinica za saobraćaj MUP-a KS

Povećanje broja prekršajnih sankcija, u odnosu na mjesec juni 2013. godine, imale su Prva, Druga i Peta policijska uprava dok su ostale imale smanjenje toga broja. Najveće povećanje imala je Policijska stanica Centar (za 59 ili 40,7%), na što su uticale pojačane aktivnosti na sprečavanju i sankcionisanju prekršaja koji se čine prosjačenjem koje je i najizraženije na području općina Centar i Stari Grad. Inače, od ukupnog broja prekršajnih sankcija koje su preduzete u Policijskoj stanici Stari Grad, 165 ili 87,3% odnosi se na prekršaje učinjene prosjačenjem

Prema strukturi prekršaja, prevladavaju prekršaji učinjeni **prosjačenjem- 354** (ili 56,4%), a zatim **tučama - 66** (ili 10,5%), **naročito drskim ponašanjem- 56** (ili 8,9%), te **odbijanjem naređenja i omalovažavanjem policijskih službenika - 43** (ili 6,8%). Registrovano je još i 11 prekršaja učinjenih svađom, vikom i nepristojnim ponašanjem, dva su učinjena neovlaštenom upotrebom oružja, dok se 48 odnosi na razne druge prekršaje. Ostalih 48 prekršajnih sankcija preduzeto je u skladu sa Odlukom općinskih vijeća.

Tabelarni pregled strukture prekršaja iz oblasti javnog reda i mira
za mjesec juni 2014/2013. godine

STRUKTURA PREKRŠAJA	JUNI 2014.	JUNI 2013.	+ - %
UKUPNO prekršajnih naloga i zahtjeva za ppp	628	553	+13,6
UKUPNO lica	679	592	+14,7
Prekršaji prema Zakonu o prekršajima protiv JRiM:	580	474	+22,4
-Tuče	66	67	-1,5
-Naročito drsko ponašanje	56	53	+5,7
-Odbijanje naređenja i omalovažavanje pol. služb.	43	54	-20,4
-Neovlaštena upotreba oružja	2	4	-50,0
-Prosjačenje	354	210	+68,6
-Svađa, vika, nepristojno ponašanje	11	12	-8,3
-Ostali prekršaji	48	74	-35,1
Nalozi/ zahtjevi prema Odluci općinskih vijeća o JRM	48	79	-39,2

Za mjesec juni ove godine karakteristično je izrazitije povećanje broja prekršaja učinjenih prosjačenjima, kao i znatno smanjenje broja prekršaja učinjenih neovlaštenom upotrebom oružja, te odbijanjem naređenja i omalovažavanjem policijskih službenika.

Posmatrano po mjestu izvršenja, najveći broj prekršaja izvršen je **na ulici i na drugim otvorenim prostorima- 570** ili 90,8%, a znatno manje u **ugostiteljskim objektima- 26** ili 4,1%, u školama i školskim dvorištima –četiri, te u vozilima javnog saobraćaja i u trgovinskim radnjama – po jedan. Na svim ostalim mjestima izvršeno je 26 prekršaja.

Tabelarni pregled broja prekršajnih sankcija prema mjestu izvršenja u mjesecu Junu 2014/2013. godine

MJESTO IZVRŠENJA	JUNI 2014.	JUNI 2013.	+ - %
Ulica i drugi otvoreni prostor	570	476	+19,7
Ugostiteljski objekti	26	40	-35,0
Vozila javnog saobraćaja	1	1	0,0
Škole (školska dvorišta)	4	1	+300,0
Trgovinske i zanatske radnje	1	2	-50,0
Sportski stadioni i dvorane	0	6	-100,0
Ostala mjesta	26	27	-3,7
UKUPNO	628	553	+13,6

U odnosu na mjesec juni 2013. godine, smanjen je broj prekršaja izvršenih na sportskim terenima, u ugostiteljskim objektima, trgovinama i na ostalim mjestima, a povećan na ulici i školskim dvorištima.

U proteklom mjesecu podnesen je jedan službeni izvještaj nadležnom tužilaštvu zbog krivičnog djela izvršenog ispred škole (jedan manje u odnosu na juni 2013. godine) i to zbog krivičnog djela nasilničko ponašanje.

U proteklom mjesecu policijski službenici su preduzimali planske i organizovane aktivnosti na osiguranju 101 javnog skupa održanog na području Kantona Sarajevo (85 manje u odnosu na isti mjesec 2013. godine) koji su protekli bezbjedno i bez ozbiljnijih incidenata, a u 62 slučaja izvršeno je KDZ osiguranje ovih skupova (45 više).

3. SAOBRAĆAJ

Tokom mjeseca juna 2014. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa materijalnom štetom, sa nastradalim licima i broja poginulih lica, dok je smanjen broj nezgoda sa povrijeđenim licima.

Registrovano je 938 saobraćajnih nezgoda (43 ili 4,8 % više), 841 sa materijalnom štetom (35 ili 4,3 % više) i 97 sa nastradalim licima (osam ili 9 % više).

U naselju su registrovane 903 saobraćajne nezgode (četiri sa poginulim, 90 sa povrijeđenim licima i 809 sa materijalnom štetom), van naselja 35 nezgoda (tri sa povrijeđenim licima i 32 sa materijalnom štetom).

Evidentirano je 307 saobraćajnih nezgoda na raskrsnicama u naselju, šest na pješačkom prelazu, dvije na mostu, jedna na raskrsnici van naselja i 622 saobraćajne nezgode čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo za mjesec juni 2014/2013. godina

	juni 2014	juni 2013	+, -, %
UKUPNO SAOBRAĆAJNIH NEZGODA	938	895	+ 43 ili 4,8 %
Saobraćajne nezgode sa nastradalim licima	97	89	+ 8 ili 9 %
Saobraćajne nezgode sa materijalnom štetom	841	806	+35 ili 4,3 %
POGINULO LICA	5	2	+ 3 ili 150 %
- vozači	2	0	+ 2
-putnici	1	0	+ 1
- pješaci	2	2	isto
POVRIJEĐENO LICA	111	127	- 16 ili 12,6 %
- vozači	53	55	- 2 ili 3,6 %
- putnici	28	41	- 13 ili 31,7 %
- pješaci	30	31	- 1 ili 3,2 %

Najveći broj saobraćajnih nezgoda evidentiran je na području općina: Centar (219) i Novi grad (184). Najveće povećanje broja saobraćajnih nezgoda registrovano je na području općine Centar (za 43 ili 24,4 %), a smanjenje na području općine Ilijaš (za 16 ili 43,2 %).

Tabelarni pregled broja saobraćajnih nezgoda po općinama
za mjesec juni 2014/2013. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
juni 2014	109	219	181	184	152	30	3	39	21	938
juni 2013	90	176	164	193	156	32	3	44	37	895
+, -, %	+ 19 ili 21,1 %	+ 43 ili 24,4 %	+ 17 ili 10,4 %	- 9 ili 4,7 %	- 4 ili 2,6 %	- 2 ili 6,2 %	isto	- 5 ili 11,4 %	- 16 ili 43,2 %	+ 43 ili 4,8 %

3.1. POSLJEDICE SAOBRAĆAJNIH NEZGODA

Tokom mjeseca juna 2013. godine, u saobraćajnim nezgodama na području Kantona Sarajevo 116 lica je nastradalo (13 ili 10,1 % manje). Pet lica je poginulo ⁴(tri ili 150 % više), dok je 111 lica povrijeđeno (16 ili 12,6 % manje), 25 teže i 86 lakše.

Među povrijeđenim licima evidentirana su:

- 53 vozača (dva manje)
- 28 putnika (13 manje)
- 30 pješaka (jedan manje)

Tabelarni pregled nastradalih lica u saobraćajnim nezgodama po kategoriji učesnika
za mjesec juni 2014/2013. godina

⁴ Dana 01.06.2014. godine, u Ulici Alipašina (općina Centar), poginuo je S. B. (27) – vozač motocikla.
Dana 09. 06.2014. godine, u Ulici Džemala Bijedića (općina Ilidža), poginuo je V. I. (64) – pješak.
Dana 11.06.2014. godine, na raskrsnici Ulica Alipašin i Jukićeva (općina Centar), poginuo je D. S. (84) – pješak.
Dana 12.06.2014. godine, na magistralnom putu M 17, u mjestu Tarčin (općina Hadžići), poginuli su: H. M. (31) – vozač i Č. E. (31) – putnik.

	POGINULI			TEŠKO POVRIJEĐENI			LAKŠE POVRIJEĐENI		
	juni 2014	juni 2013	+, -, %	juni 2014	juni 2013	+, -, %	juni 2014	juni 2013	+, -, %
VOZAČI	2	0	+2	10	10	isto	43	45	- 2 ili 4,4 %
PUTNICI	1	0	+ 1	4	4	isto	24	37	- 13 ili 35,1 %
PJEŠACI	2	2	isto	11	11	isto	19	20	- 1 ili 5 %
UKUPNO	5	2	+ 3 ili 150 %	25	25	isto	86	102	- 16 ili 15, 7%

Kada je u pitanju stepen povreda, 10 vozača je teže, a 43 lakše povrijeđeno, četiri putnika su teže, a 24 lakše povrijeđena, dok je 11 pješaka teže, a 19 lakše povrijeđeno.

Najveći broj povrijeđenih lica registrovan je na području općina: Centar - 30 (pet teže i 25 lakše) i Ilidža – 22 (pet teže i 17 lakše).

Posljedice saobraćajnih nezgoda po policijskim upravama/stanicama za mjesec juni 2014/2013. godine

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		juni 2014	juni 2013	uporedba	juni 2014	juni 2013	uporedba	juni 2014	juni 2013	uporedba
I PU	Stari grad	0	2	- 2	3	6	- 3 ili 50 %	8	8	isto
	Centar	2	0	+2	5	5	isto	25	11	+ 14 ili 127,3 %
II PU	Novo Sarajevo	0	0	-----	5	5	isto	10	20	- 10 ili 50 %
III PU	Novi Grad	0	0	-----	3	1	+ 2 ili 200 %	14	19	- 5 ili 26,3 %
IV PU	Ilidža	1	0	+ 1	5	2	+ 3 ili 150 %	17	29	- 12 ili 41,4 %
	Hadžići	2	0	+ 2	2	2	isto	5	2	+ 3 ili 150 %
	Trnovo	0	0	-----	0	1	- 1	0	0	-----
V PU	Vogošća	0	0	-----	2	3	- 1 ili 33,3 %	6	3	+ 3 ili 100 %
	Ilijaš	0	0	-----	0	0	-----	1	10	- 9 ili 90 %
UKUPNO		5	2	+ 3 ili 150 %	25	25	isto	86	102	- 16 ili 15,7 %

Starosna struktura lica povrijeđenih u saobraćajnim nezgodama je sljedeća: od 21 do 24 godine - 21 lice, od 25 do 30 godina – 19 lica, od 31 do 40 godina – 17 lica, od 51 do 65 godina – 13 lica, od 18 do 20 godina – 13 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 725 nezgoda u kojima su 83 lica nastradala (dva lica poginula, 81 lice povrijeđeno), zatim na magistralnim putevima - 91 nezgoda u kojoj je 16 lica nastradalo (tri lica poginula, 13 povrijeđeno), na lokalnim putevima – 72 nezgode (četiri lica povrijeđena), na regionalnim putevima – 16 nezgoda (dva lica povrijeđena) i na putevima koji se ubrajaju u kategoriju ostalih – 34 saobraćajne nezgode (11 lica povrijeđeno).

3.2. UZROCI SAOBRAĆAJNIH NEZGODA

Od ukupno 938 uzroka saobraćajnih nezgoda, 140 je bilo zbog neprilagođene brzine (tri lica poginula, 36 lica povrijeđeno), 15 zbog uticaja alkohola (tri lica povrijeđena), dok

uzroci za 783 saobraćajne nezgode spadaju u kategoriju ostalih (dva lica poginula, 72 lica povrijeđena).

Evidentirano je pet saobraćajnih nezgoda (tri manje), u kojima su učestvovali pripadnici MUP- Kantona Sarajevo. U navedenim saobraćajnim nezgodama nije bilo nastradalih lica.

Evidentirane su 34 saobraćajne nezgode (jedna manje) u kojima su učestvovali inostrani vozači i pet nezgoda (jedna više) u kojima su učestvovali vozači EUFOR-a i diplomatskog kora (bez nastradalih lica).

3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec juni 2014/2013. godine

	juni 2014/2013	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2014	17.442	3.506	1.873	3.900	3.473	945	3.745
	2013	27.774	5.320	2.832	8.621	4.349	2.022	4.630
broj uručenih prekršajnih naloga	2014	12.796	3.115	1.704	1.095	1.055	472	5.355
	2013	17.197	4.757	1.991	1.608	1.011	980	6.850
broj zahtjeva za p.p.p.	2014	57	12	1	27	5	5	7
	2013	31	11	0	0	8	3	9
broj isključenih vozila iz saobraćaja zbog tehničke neispravnosti	2014	22	0	0	0	0	0	22
	2013	50	1	1	15	0	0	33
broj vozača zatečenih da upravljaju vozilom pod dejstvom alkohola	2014	201	44	51	7	13	18	68
	2013	341	57	76	16	21	32	139
broj vozača zatečenih da upravljaju vozilom bez korištenja sig. pojasa	2014	965	87	226	77	121	54	400
	2013	838	138	371	41	118	170	0
broj vozača zatečenih da upravljaju vozilom bez položenog vozačkog ispita	2014	220	45	52	16	19	13	75
	2013	360	64	65	30	45	11	145
broj vozača zatečenih da upravljaju vozilom pod izrečenom zaštitnom mj.	2014	0	0	0	0	0	0	0
	2013	0	0	0	0	0	0	0
broj vozila otkrivenih da učestvuju u saobraćaju bez važeće registracije	2014	193	39	22	10	19	9	94
	2013	264	45	29	17	30	14	129

Tokom mjeseca juna 2014. godine, kontrolisana su ukupno 17.442 vozila (10.332 manje), 4.596 lica u vozilima (4.427 manje), izvršen je pregled 346 vozila (366 manje) i 195 lica u vozilima (331 manje).

Zbog tehničke neispravnosti iz saobraćaja su isključena 22 vozila (28 manje), 201 vozač je zatečen da upravlja vozilom pod dejstvom alkohola (140 manje), 965 bez korištenja sigurnosnog pojasa (127 više), 220 bez položenog vozačkog ispita (140 manje), a 193 vozača su učestvovala u saobraćaju bez važeće registracije (71 manje).

Zbog kršenja propisa iz oblasti sigurnosti saobraćaja uručeno je 12.796 prekršajnih naloga vozačima (4.401 manje u odnosu na juni prošle godine) i podneseno 57 zahtjeva za pokretanje prekršajnog postupka (26 više). Evidentirana su tri krivična djela zbog ugrožavanja sigurnosti javnog prometa (pet manje).

3.4. MIRUJUĆI SAOBRAĆAJ I KONTROLA PJEŠAKA

Policijски službenici su i tokom mjeseca juna 2014. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 5.126 prekršajnih naloga (1.512 manje), upozoreno je 398 vozača (220 manje), a specijalnim vozilom “pauk” premješteno je 177 vozila (29 manje).

3.4.1. URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Zbog nedozvoljenog parkiranja, najveći broj prekršajnih naloga uručen je na području općine Centar –1.384, zatim: Starog Grada -1.016, Novog Sarajeva - 801, Novog Grada – 725, Ilidže – 310, Hadžića – 148, Vogošće – 81 i Ilijaša – 19.

Službenici Jedinice za saobraćaj uručili su 732 prekršajna naloga vozačima.

Takođe, pješacima koji su kršili propise uručeno je 56 prekršajnih naloga (26 manje), a upozoreno je 96 pješaka (34 manje).

4. ZAKONITOST U RADU

Tokom mjeseca juna 2014. godine, registrovana su tri napada (jedan više) na policijske službenike. Napadi su izvršeni na policijske službenike Treće, Četvrtе i Pete PU od strane tri punoljetna lica.

Policijски službenici su u dva slučaja opravdano upotrijebili silu (jednu više):

- fizičku snagu i sredstva za vezivanje – dva puta
Druga PU (PS Novo Sarajevo)- jednom
Treća PU (PS Novi Grad)- jednom

Tokom mjeseca juna 2014. godine, registrovano je 18 predstavlki na rad službenika policije među kojima je za tri predstavlke (šest manje) data saglasnost za sprovođenje unutrašnjih istraga, dok je za 15 predstavlki je donesen zaključak da su neosnovane.

Postupano je po 25 predstavlki iz ranijeg perioda, tako da je razmatrano ukupno 28 predstavlki (jedna manje).

Okončane su tri unutrašnje istrage, među kojima su dvije bile bez dovoljno dokaza, dok je jednom slučaju predstavlka osnovana.

Takođe, uz saglasnost Ureda za pritužbe javnosti, postupano je po 18 raznih akata.

4.1. PRAVNA REGULATIVA

Organizacionim jedinicama je na upoznavanje i postupanje dostavljen Prijedlog Instrukcije o mjerama i radnjama koje preduzima Uprava policije MUP-a Kantona Sarajevo oko provođenja Zakona o amnestiji za nedopušteno držanje MES-a i oružja.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE „ŽETVA 2014.“

U mjesecu Junu ove godine evidentirano je osam djela regulisanih ZONDINOM-om (četiri više) počinjenih od strane devet lica od kojih su tri lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: pet pištolja, jedna puška, 14 „noževa, mačeva i sl.“, 53 komada municije raznog kalibra, dva boksera, itd.

Takođe, tokom ovog mjeseca organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije „ŽETVA 2014“ s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji prikupljeno je slijedeće naoružanje:

- ručne bombe – 13 komada,
- mine, granate, trombloni i sl. – četiri kom.,
- municija raznog kalibra – 130 komada, itd.

U mjesecu Junu ove godine fizičkim licima izdato je 87 odobrenja za nabavku vatrenog oružja i 94 oružna lista.